

**Nunat Aqqinik Aalajangiisartut
tallimangornermi
februaarip 5-anni 2010-mi
Oqaasileriffimmi ataatsimiinnerat**


Peqataasut: Carl Christian Olsen, Stephen Heilmann aamma Karl Elias Olsen.

Allatsi: Lisathe Møller Kruse.

Peqataangitsut: Tukummeq Qaavigaq feeriarnini pissutigalugu ataatsimeeqataangilaq, Abia Abelsenilu piffissaqanginnini pissutigalugu peqataanani.

Oqaluuserisassat makkuussapput:

1. Tikilluaqqusineq
2. Imaqarniliap akuerinera (*decembarip 2-anni 2009-mi ataatsimiinnermit imaqarniliaq*)
3. Greenland Springwater AG-mit saaffiginnissut 938-mut tunngasoq.
4. 2008-mi Kalaallit Nunaata kitaani qaqqasiorsimasup Cath Howell-Walmsley-ip saaffiginnissutaa.
5. Qaqqasiortartoqatigiit 2008-mi Kangerlussuatsiami qaqqasiorsimasut qaqqat aqqaneq marluk nuuinik atseerusuttut saaffiginnissutaat.
6. Nunat aqqi akuerineqangikkallarsimasut akuerinissaat: Puilasut (Qeqertarsuatsiaat timaanniittut)
7. Taasariaqartut allat



1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO tikilluaqqusivoq.

2. pillugu –

Decembarip 2-anni 2009-mi ataatsimiinnermit imaqarniliaq Nunat Aqqinik Aalajangiisartunit akuerineqarpoq.

3. pillugu –

Qeqertarsuup eqqaani puilasup ermanik tunisassiulersut Greenland Springwater AG Oqaasileriffimmut saaffiginnissuteqarput sumiiffik puilasup ermanik pissarsiffigisartagartik *938*-mik atserneqarnissaa siunnersuutigalugu, Europamigooq Schweizimilu inatsisit tungaasigut ajornartorsiuteqaramik sumiiffiit atiisa allamiusut allaqqaneri pissutigalugit.

Nunat Aqqinik Aalajangiisartut saaffiginnissut eqqartoreerlugu aalajangerput nunap aqqa akuerisaq Uunartuarsuk pisortatigoortumik atigiinnassagaa, *938*-millu atserneqassanngitsaq. Taamatut aalajangernerannut aalajangiisarnermi tunngaviit peqqutaatinneqarput. Aalajangiisarnermimi tunngaviit ilaat tassaammat Kalaallit Nunaannut attuumassuteqanngitsut atsiunneqartassanngitsut.


Ilanngullugu saaffiginnittunut erseqqissarneqassaaq puiaasap *938*-p sananeqaataata nassuiaataani nunap aqqa Lyngmarkskilden allaqqasoq ativiinik tassa Uunartuarsuk-mik taarseqquneqassasoq.

4. pillugu -

2008-mi Kalaallit Nunaata kitaani qaqqasiorsimasunut aqqqissuisuusup Cath Howell-Walmsleyip saaffiginnissutigivaa qaqqasiortitami qaqqamik qaqqisaminnik atsiisinnaanersut paasiniaalluni siunnersoqqullunilu.

Nunat Aqqinik Aalajangiisartut eqqartoreerlugu aalajangerput qaqqamik qaqqisaminnik qaqeriakkaminilluunniit namminneq atsiisinnaanngitsut. Tassami nunat aqqinik atsiisarnermi tunngavissat tunngavigalugit taamaaliorqarsinnaanngimmat.

Nunammi aqqinik atortussanngortitsinermi tunngavissat ukuummata:



- Aqqit kalaallisut qangali aterititat akuerineqassapput.
- Nunat aqqi kinguaariinni nutaanik taarserneqarsimagaangata tamanit atorneqalersimaneri tunngavigalugit atortussanngortinneqartassapput.
- Atissatut siunnersuutit kalaallisuujuungitsut tunngaveqarluarpata aatsaat atsiunneqartassapput.
- Inuit suli inuusut immikkut pissutissaqarluni aatsaat atsiunneqartassapput.
- Suliffeqarfiit immikkut pissutissaqarluni aatsaat atsiunneqarsinnaapput.
- Nunat aqqi kommuneqarfiit iluini atugaasut aalajangiinissami tunngaviussapput.

Atissatut siunnersuutit uku tunngavigalugit akuerineqarsinnaassanngillat:

- allanut paarlaanneqarsinnaagunik
- sumiissusiat erseqqissumik nalunaarsimangippat,
- Kalaallit Nunaannut attuumassuteqanngippata. Taamaattoq piumasaqaatit naammassineqarpata akuerineqarsinnaassapput,
- atsiinermi sumiorpaluutitut tunngasuni Oqaasiliortut aalajangigaat malinneqassapput.


5. pillugu -

2008-mi Kalaallit Nunaata kitaani qaqqasiorsimasunut aaqqissuisuusup Cath Howell-Walmsleyip qaqqasiortitami qaqqamik qaqqisaminnik atsiinissaanik siunnersuusiortissimavai qaqqat nuui aqqaneq marluk qanoq ateqarnissaannik siunnersuuteqarlugit. Aaqqissuulluakkamik assitalersorlugit allakkatigut nassiuppai, kissaateqarluni akuerineqarnissaannik siunnersoqqullunilu akuerineqassappata qanoq iliuseqarsinnaanerluni.

Nunat Aqqinik Aalajangiisartut eqqartoreerlugu aalajangerput qaqqamik qaqqisaminnik qaqeriakkaminilluunniit namminneq atsiisinnaanngitsut. Tassami nunat aqqinik atsiisarnermi tunngavissat tunngavigalugit taamaaliortoqarsinnaanngimmat.

Nunammi aqqinik atortussanngortitsinermi tunngavissat ukuummata:

- Aqqit kalaallisut qangali aterititat akuerineqassapput.
- Nunat aqqi kinguaariinni nutaanik taarserneqarsimagaangata tamanit atorneqalersimaneri tunngavigalugit atortussanngortinneqartassapput.
- Atissatut siunnersuutit kalaallisuujuungitsut tunngaveqarluarpata aatsaat atsiunneqartassapput.



- Inuit suli inuusut immikkut pissutissaqarluni aatsaat atsiunneqartassapput.
- Suliffeqarfiit immikkut pissutissaqarluni aatsaat atsiunneqarsinnaapput.
- Nunat aqqi kommuneqarfiit iluini atugaasut aalajangiinissami tunngaviussapput.

Atissatut siunnersuutit uku tunngavigalugit akuerineqarsinnaassanngillat:

- allanut paarlaanneqarsinnaagunik
- sumiissusiat erseqqissumik nalunaarsimangippat,
- Kalaallit Nunaannut attuumassuteqanngippata. Taamaattoq piumasaqaatit naammassineqarpata akuerineqarsinnaassapput,
- atsiinermi sumiorpaluutitut tunngasuni Oqaasiliortut aalajangigaat malinneqassapput.

6. pillugu -

Nunat aqqi Qeqertarsuatsiaat timaatungaanniittut puilasutut ateqartinneqartut pingasuusut nalornissutaaneri pissutigalugit akuerineqanngikkallarsimasut misissuereernerup kingorna Nunat Aqqinik Aalajangiisartunit eqqartorneqareerlutik akuerineqarput. Puilasut Killiit Puilasullu Kangilliit kangerliumanertut, kiisalu Puilasut Qiterliit nuummut ateqartinneqartut akuerineqarput.

7. pillugu -

Karl Elias Olsenip nunap atiutini katersorlugit piareerunigit Oqaasileriffimmut saaffiginninniarluni oqaaseqarpoq.

Nunat Aqqinik Aalajangiisartunut allatsip Lisathe Møller Krusep KIIFA-mi atorfillit Anders Olsen Pia Lyngelu Oqaasileriffimmi sulisuusut ataatsimeeqatigisimallugit paasissutissiivoq.

Carl Chr. Olsen
Siulittaasoq

Lisathe M. Kruse
Allatsi